

# Колхоз бусы

ВКП(б)-лэн  
Зуриной  
райкомезлэн но  
райсоветлэн  
исполкомезлэн органы

## Ю кизен уж'есты жогомытоно

20 майлы асьме районын яровой культураос 2873 гектар вылэ киземын, кудыз составлять каре районной планлы 21,2 процент гинэ. Та лыдпус'ес возматэ тулыс ю кизенлэн туж лямьэмез сярись. Показатель'ес туннэ нуналлы трослы бадзымесь луыны кулэ вал ни.

Али но куд-ог интыосын вераськон'ес вань на, что кизенэз кулэез'я вырзытыны муз'ем кот улэмен позволять уг кары. Та'че „муг'ёсын“ ик Ключевка сельсоветысь Туга колхозын, кытын председателез луэ Захаров, кизён умой-умой угмыны. Та'че „муг'ёсын“ ик ю кизён уж'есты кулэез'я уг нуо Зура сельсоветысь О-Ирым колхозын но куд мукет колхоз'ёсын.

Азыланьын талы чиданы уг луы ни, ю кизён уж'есты котькуд колхоз'ёсын побольшевицки организовывать карыса вакчи дыр куспын быдэстоно.

Ю кизёнын мукетыныз бадзымесь тырмытээн луэ оусыын ужез организовать карыны быгатымтэ. Кудаз колхоз'ёсын 4-5 мурт гырысьёс огзы бёрсы огзы велгыса гыро. Та'че „амалы“ ужал трудлэсь производительность'эз будзтыны люкетэ, ужлэсь зечлык'сэ ултйе уськытэ.

Бусыын котькуд но котькы'че ужась ас понназ нимаз участокын ужаны кулэ. Тазы ужез пуктэм возматэз, кызы сыз яке таиз бусыын ужась быдэс'я сменной нормаосэ но кызы нюр'яське уж'ёслэн зечлык'ёсы понна.

Тулыс бусы уж'ёсын умой быдэс'яно агротехникаез. Озы ке но та шоры куд интыосын чинны пырти учко. Кылсярысь, со выль серам О-Ирым колхозын ик гыронэнлэн кизенэнлэн виссы туж бадзын, 20 майлы 53 гектар гыремын, нош киземын 23 гектар вылэ гинэ. 30 гектарез гырем муз'ем тóласа куасьме, кошке влагаез, озы бере та муз'ем вылын юлэн удалтонлык'эз но улын луоз.

Карачум сельсоветысь колхоз'ёсын ужпум та'че ик. Быдэс сельсовет'я верано ке 20 майлы 256 гектар гыремын, нош киземын 194 гектарез гинэ.

Та'че вис карон'ёсын юн нюр'яськыно, гырем, муз'ем со нуналэ ик юэн кизиськыны кулэ.

Мукетэныз агротехникаез нарушать карон фактэн

луэ муз'емез ла'ег гырон. Каргурезь колхозысь гырысь З. И. Корепанов 8 сантиметр сяна мурдал'ен уг гыры. Та'че „ужамэ“ Корепанов тазы зматыны, выре: „Мур гырыса нормаз уд быдэс'я“.

Ю кизёнын нок'оче уж'ёсын но агротехникаез нарушэть карыны уг луы. Агротехникаез нарушэть карысьёс асысь заслугаосыя басытыны кулэ.

Ю кизенэз азинлыко быдэстон понна вань кужым'ёс но средствоос использовать каремын луыны кулэ. Та дыре котькуд час дуно сылэ.

„...Кизенлэн азинкем'ёсыз туж юн зависеть карозы колхоз'ёсын но бригадоосын массово-политической уж'ёслэн кулэез'я вóлмезылэсь но соослэн ка'чествозылэсь... Сельской коммунист'ёслэн, партийной но непартийной агитатор'ёслэн та нунал'ёсы интызы бусыын, станын“... (Правда, 14 май 1941 ар).

Ю кизёнын ужасьёс пóлын массово-политической уж'ёс юн вóлмытэмын луыны кулэ. Умой валэктоно колхозник'ёслы СССР-лэн СНК-езлэсь но ВКП(б)-лэн ЦК-езлэсь „Удмуртской АССР-ын сельскохозяйственной культураослэсь удалтонлык'эс но пудо вордонлэсь продуктивность'сэ жу'тэм понна колхозник'ёслэн ужамзылы ватсаса тырон сярись“ 1941 арын 6 мартэ постановленизэс.

Валэктоно колхозник'ёслы но тракторист'ёслы СССР-лэн СНК-езлэсь но ВКП(б)-лэн ЦК-езлэсь 1939 арын 13 январэ постановленизэс. Кудаз шуэмын: „Усыанэз, культивациез но кизенэз вакчи дыр куспын ортчытон вылысь тракторист'ёсты но колхозник'ёсты поощрить карыны понна тракторист'ёслэн но колхозник'ёслэн ужамзы понна дун тырон порядк'лы та'че дополнениос пыртоно: МТС-лэн тракторист'ёсызлы но колхозник'ёслы тулыс вазь усыянын нырысь кык нунал ужамзылы но тулыс кызык'у но культивация по гырон бордын нырысь 6 нунал ужамзылы труденьёсты кык полэс размен начислять кароно“.

Ю кизён уж'есты шонер организовать карыса, агротехникаез нарушэть карон'ёсын нюр'яськыса но массово-политической ужез умой пуктыса гинэ ю кизенэз умой быдэстод.

## Зегудлэсь

### висёнэз чик

#### могатэк быдтоно

Районысьтымы Ж-Чубой, Туга, Зур-Шамардан но мукет колхоз'ёсын Зегудлэн склероциния висёнэз шараямын. Зегуд склероциния висёнэн висеменыз ик лымы шунам бере во'жеткыны но уг быгаты ни.

Та висёнэн тужгес ик нёжалэс, лымы кема пукем интыосысь Зегуд'ёс висё. Зегудлэсь та висёнэз быдтыны понна та'че ужрад'ёс кутэмын лучны кулэ: лайыг интыосты, кытын вулюкаськемын, вуэз б'ряны понна канавос кырылоно. Склероциния висёнэн лябомем Зегудлы одиг гектар вылэ 60 килограмм аммиачной селитраен яке 100 килограмм сульфат аммонийен но кыед вуэн подкормка орчкытоно. Зегудэз киземлы вамен усыяно. Нош луоесь интыосты конной мажес'ёсын но мажтаськон мажес'ён гонзектэмэз но пурисьтаса куасьмем куар'ёссэ мажтано. Склероциниэн сйзыл желвак'ёсыз потыса мела мёлске шуыса, сйзыл зег арам бервылэз мур зябь улэ гыроно.

Склероциниен кужмо нюр'яськыно котькуд колхозысь колхозник'ёслы.

Райзолэн агрономез  
В. Волков.

## Та ужез ас дыраз быдэстоно


Районысьтымы куд колхоз'ёс эр вал'ёсты случать карон планзэс 100 процент'лы ик быдэстйзы. Отчы пырэ Сюрсовэйчик (конфермалэн заведующоюз Ефремов), Башмаково, Лудошур, Ключевка, Лудяны но Быдэстосур колхоз'ёс.

Нош о'я вераса районымы эр вал'ёсты случать карон план лямь быдэсме. 15 маёзь 75,5 процент'лы гинэ быдэстэмын. Та'че факт'ёс верало колхоз'ёслэн кивалтйсьёссылэсь та ужлы саклык вис'ямтэзэс. Соос уг нюр'ясько вал'ёслэсь йырлыдзэс будзтыны. Тани Н-Шорни колхозын 12 эр вал'ёс пóлысь 2 эз гинэ случать каремын. Изнегвай колхозын 15 эр вал'ёс пóлысь 4-эз гинэ случать каремын. Та'че ик ужпум Ишошур но Люк колхоз'ёсын

Та кылем дыр куспын 15 июнэзь вань эр вал'ёсты случать но отбить карыса быдэстоно. Эр вал'ёсты случать каремлэсь азыло но бóрысь 6 часлы ужысь мóзмытоно, ужпиосты-производительёсты зоветправилоос'я судоно, утылтоно.

Эр вал'ёсты случать карон планзэс быдэстон, вал'ёслэсь йырлыдзэс йылэтон понна нюр'яськем луэ. Озы бере случать карон планзэс уж вылын быдэстоно.

Ф. Овечкин



Английской „Арк Ройяль“ авионосцев немецкой самолет'ёс Средиземной морезын бомбардировать каро.

## Иностранной телеграммаослэн обзорзы

Английской авиация аслэсьтыз действизэ Германия вылын ялан активизировать каре. Кык уй чоже —17-18 мае — кужмо бомбардировкае подвергаться карыськемын вал Кельн город (Западной Германия). Кбня ке налёт'ёс лэсьтэмын вал Булонилэн докаосыз вылэ (Франция) но Роттердам вылэ (Голландия). 19 майлы уин английской самолет'ёс бомбардировать карызы Эмгенэз но Шербургысь но Кильысь судостроительной верф'ёсты.

17 майлы уин германской военно-воздушной кужымлэн главной удар'ёсыз направить каремын вал Берменган вылэ. Сюлэсь но трос германской самолет'ёс важнейшой промышленной объект'ёс но снабжение базаос вылэ бомбаос куязы. Вуоно уйёсы германской авиацилэн действиез сосредоточить каремын вал Англия дорысь но Атлантической океанлэн северной пальсытыз английской торговой судноослы пумитэ.

Иракын, иракской армиялэн командованиезлэн сведениосыз'я, иракской вой-

скаос атаковать карызы Басры районэз (страналэн юго-восточной пальсытыз) английской позициосты но противниклэсь разведывательной отрядэз бадзым лыдэн ыштон'ёсын отступать карытйзы. Фронтлэн Рутба районоз иракской самолет'ёс англичан'ёслэсь бронетанковой частьёссэс бомбардировать карызы. Иракской авиацилэн Инейдеван аэродромез вылэ налётэз дыр'я куинь английской самолет'ёс омырысен уськытэмын но вить муз'ем вылын быдтэмын вал.

Английской авиация атакать кариз Сириысь аэродром'ёсты, кытын германской но итальянской самолет'ёс вал. Английской самолет'ёс ыбылзы французской автомашинаосты, кудаз Араб'ёслэн группазы мынэ вал Сириысь Ираке. Озы ик англичан'ёс атаковать карызы поездзэ, кудаз вал 200 Сириец'ёс. Поезд тырмыт грузить каремын вал французской военной снаряжениосын. Сирийско-палестинской границыын английской войскоос куспын столкновениос луызы.

(ТАСС, 20 май 1940 ар).

## Правительстволэсь но партилэсь постановленизэс уж вылын быдэстоно

Интыысь сыр'ёлэсь тросэн кулэ луись вуз'ёсты но сион-юон поттонэз будэтон ужрад'ёс сярись СССР-лэн Народной Комиссар'ёсызлэн Советсылэн но ВКП(б)-лэн Центральной Комитезлэн постановленизэс районысьтымы предприятияос, промкооперациос, инвайд'ёслэн кооперациоссы но вуз карысь организациос вылэ ответственной уж'ёс возложить каремын. Та постановления госбанклэн отделениосызлы сётэмын право выль возматэм предприятияосы но организациосы паськытатыны но выльёссэ предприятияосы кылдытыны понна соослы коньдон ссудаос сёт'яны.

Та постановление потэм бере дыр трос ортчиз ни. Озы ке но «Красная звезда» артель сьнаез нокин но госбанклэн отделениысь-

тыз коньдон өз басытэ на. Та артель (председателез Рухлядев) столярной мастерской оборудовать карыны понна 4,5 сюрс манет ссуда басытйз. Госбанкэн та артельы ссуда сётэм тырысен дыр далай ортчиз. Озы ке но та сумма освоить карымтэ на.

Кылем'ёсыз куинез артельёс но райпромкомбинат ялан малпаса уло на: бастоно-а ссуда б'вол-а. Кышкало, ссуда басытйд ке бадзым уж'ёс нуоно луоз шуыса. Мукет сямен вераса, кулэ луись вуз'ёс поттон ласянь предприятияоссэ паськытатэмзы уг поты.

Азыланьын та'че ужпумлы чиданы уг луы ни. Кемалась дыр вуэмын ни артельёсын кивалтйсьёслы асысь лэсь производствоссэс паськытатыны.

А. Шувлин.

## 1941 арлэн Всесоюзной сельскохозяйственной выставкаез 25 мае усьтыське

1941 арлэсь Всесоюзной сельскохозяйственной выставкэз туэ 25 мае 12 часэ усьтыны тупатэмын. Выставкаез усьтонэ отемын Москваысь трудящийёслэн представительёссы но экскурсант'ёс — сельской хо-

зяйстволэн передовик'ёсыз. Туэ выставкае ветлозы 200 сюрс организованной экскурсант'ёс — азымынсь колхоз'ёслэн, совхоз'ёслэн но мукет организациослэн представительёссы.

(ТАСС).

**Комсомолец'ёс ю кизёнын**

Чубой колхозысь первичной комсомольской организациись комсомолец'ёс кылем арын ю кизён удысын азьмынсь инты оастызы но ВЛКСМ-лэн райкомез та организацилы переходящей Красной знамя сётыз.

Та организациысь комсомолец'ёс туэ но ю кизёнын азьмынсь инты бастыны выгысь нюр'ясько. Ваньзы ик комсомолец'ёс соревнование пырыськыса тулыс ю кизёнэз вакчи дыр куспым быдэстыны вылысь нюр'ясько. Котькуд комсомолец ю кизёнын но гыронн нуналлы тупатэм нормазэ мултэсэн быдэс'я.

**А. Яковлева.**

**Виль агротехникаез но опыт'есты—тулыс ю кизён уж'ёсы**

Чубой сельсоветысь Зилай колхозын чабей ю кизёнысь термической амалэн (пось вуэн) протравливать карон ортыто. Чабей семенной участоке окмымон тазы протравить каремын ни.

Термической амалын протравливать карыса чабейлэн но йдылэн пыльной головняосыз быро, нош мукет амал'ёсын протравливать карыса та головняос уг быро.

Тазы виль амалэн протравливать карыса юлэн удалтонлыкэз трослы вылэ жутске.

\* \* \*

Чубой сельсоветысь Ж.Чубой колхозын ефремовской (Ефремов—вилй урожай бастонин движенлэн инициаторез, со луэ Сибирьсь) агротехникалэс опыт'ёссэ тулыс ю кизён уже пырто. Ефремов кечат замаг (шахматной способен) юэз кизыса высевлэсь нормазэ йылэтылз. Соин со выплыко урожай бастэ.

Ж.Чубой колхозысь колхозник'ёс но шахматной способен 3 гектар вылэ яровизировать карем сезыен кизысы. Нош высев норма гектарлы быдэ 2,2 центнер интые 3,2 центнер киземын.

**В. Волков.**

**Тулыс ю кизёнлэн но гыронлэн азынэмез сярэсь районолэн свэдказэ (20 майлы процентэн вераса)**

Сельсовет'ёс	Гыронлэн мынэмез	Кизёнлэн мын.
Тюптевской	82	28
Чубовской	52	17,1
Котегуртской	59	26,9
Сенской	34,2	19,18
Карачумской	70	27,4
Былдэмошурской	48,5	25,5
Зуринской	42,5	18,7
Ключевской	50,2	32
Спожской	37,0	17,5
В.Шурганской	30,9	20,0
Вальмыз район'я	46,1	21,2

Сальской районьсь (Ростовской область) Селявки эшлэн азьмынсь тракторной бригадаез (Сальской МТС) систематически нормазэ быдэс'я но горючеез эконсмить каре. Бригадаын умой но культурно организовать каремын шытэтскон дыр.



Лудысь станын. Селявки эшлэн бригадысьтыз тракторист'ёс но-прицепчик'ёс обеденный перерыв дыр'я шытэтсконнын.

**Нормазэ мултэсэн быдэс'яло**

Зура сельсоветысь Турел колхозын кудыз гырысьёс но кизисьёс нуналлы тупатэм нормазэ мултэсэн быдэс'яло. Тани 16 мае клевер вылэз гыронн гырысьёс В. Агафонов, Е. Хорякова, Е. Корепанов но И. Максимов нормазэ 129-ысен 161 процентозь быдэстызы. Таослэсь бере уг кылы ю кизис В. Максимов но. Таиз но нормазэ мултэсэн быдэс'я.

Колхозысь кыкез ик по-

леводческой бригадаос ас куспазы соревноваться карыськыса ужало. Бригадир'ёс гырысьёслы жытазе ик гырыны участок вис'яло. Шодскымон золомиз татын трудовой дисциплина. Гырысьёс чукна 3 часысен ик гырыны куткыса жытазе пеймытозь ужало. Озы колхоз ю кизёнэз вакчи дыр куспым быдэстыны вылысь нюр'ясько.

**Ф. Овечкин.**

**Бригадир'ёс колхозын азьветлысь инты бастыны кулэ**

Зура сельсоветысь О-Иырым колхозын луо бригадир'ёс Агафонов но Корепанова. Таос ик луо колхозын агитатор'ёс но. Колхозник'ёс пöлын таос но кыче политмассовой уж уг нуо, даже асыслэсь производственной обязанностиэс но честно уг быдэс'яло. Таос колхозник'ёсты кыче уже мынон сярэсь верамен гинэ буйгатко, нош производствойн ужез организовать уг каро.

Тани 19 мае колхозысь куд колхозник'ёс бусые гырыны нуназе кык часэ гинэ потызы, нош усысысьёс 4 частэс өз потэ. Бригадир Агафонов та нуналэ гуртысь уж'ёсыз котыре кутскем, бригадир Корепанова куноын кадэ гуртаз луке.

Колхозын кизён туж лядмынэ, нарушат каро агротехникаез. 19 майлы гырымн ни 53 гектар, нош киземын 23 гектар гинэ. Озы гыронлэн но кизёнлэн 30 гектарлы виссы. Агитатор'ёслы, уката ик бригадир'ёслы ю кизёнэз вакчи дыр куспым но виль агротехникаен быдэстонын организатор'ёсын луыны кулэ.

**М. Шляева**

**Сеп сельсоветысь колхоз'ёсын**

**В-Талым**

Та колхозын ю кизёнын трос тырмымтэос вань. Тагын чукна под'ём 3 часэ организовать каремын, нош уже мыныло одйген-одйген гинэ. Озы бусы уж'ёс 7 час бере гинэ кутско. Бере кылыса ужасьёсты азьмынсьёс радэ поттон понна ужрад'ёс уг кутысько.

Колхозын организовать каремын детской ясли. Но пинал'ёсты татын кучо чукна туж бер. Колхозницаос яслилэсь заведующойзэ Н. Агафоновазэ возьмаса улонын быдэс час'ёсын юнме дырзэс быдто.

Бусы уж'ёсын агротехникаез нарушат каро. Гыро фигурно, со сяна куд интыосын гырем'ёссылэн мурдалазэ 8-10 сантиметр гинэ.

**Палым**

Агротехникаез нарушат карон'ёсын та колхозын уг нюр'ясько. Юэз кыин кизыны запретить каремын, нош татын 1,50 гектар кыин

чабей кизысы ни. Соин ик та площадь вилэ кизем юзы муз'еме умой заделать карымтэ, 60 процентэз муз'еме согисыкытэк кылемын.

Колхозлэн агротехникаез И. Мирофанов агротехникаез нарушат карысьёсын уг нюр'ясько.

**Сеп**

Колхозын агротехникаез нарушат карон факт'ёс вань. Кыкетй бригадаын (бригадирез М. Лекомцев) гыро фигураосын, гыремзылэн мурдалазэ 6-8 сантиметр гинэ. Со сяна, та бригадаысь гырысьёс быдэс час'ёсын ужан дырзэс тамак кысыса быдто.

Колхозын ю кизёнлэн азинлык'ёсыз туж лядбесь. Озы ке но агитатор'ёс Т. Лекомцев, М. Шляев но П. Владыкин соослы поручить карем ужез уг быдэс'яло. Колхозысь бордгазетлэн редакторез Т. Лекомцева бордгазет'ёс уг поттылы. **В. Васильев**

**Колхоз'ёслэн соревнованизы**

Ключевка сельсоветысь колхоз'ёс ю кизёнэз азинлыкы быдэстон понна куспазы соревноваться карысько. Кизёнын нырысь инты бастысь колхоз'ёслы сельсоветлэн переходящей знамяез сётыське. Озы нырысь ик та знамя сётэмын вал Изшур колхозлы. Знамяез колхоз 17 маезь гинэ возиз, кудызлэн кизёнэз та нуналлы 18 процентлы быдэстэмын вал, нош Тугалуд колхозлэн та нуналлы ик 23 процентлы вал ни. Озы переходящей знамя Изшур колхозлэсь таласа Тугалуд колхозлы торжественно сётэмын вал. Сельсоветысь мукетыз колхоз Тугалуд колхозэз азыпалтыз ке, знамя та колхозлэсь но таламын луозно азьвыл инты бастысь колхозлы сётэмын луоз.

**А. Семенихин.**

**Туга колхозын буйгатскизы**

Та колхозын ваньмыз ик муз'ем гырыны но кизыны ярамон ни. Нош колхозлэн председателез Захаров „ай муз'ем кот на“ шуыса улэ. Массовой ю кизён борды өз кутскы на. Кык смена ю кизён организовать карымтэ. Гырысьёс 4-5 валэн борздаейт огзы бёрсыны огзы ветло. Соос гыронназы нормаосэс но уг быдэс'яло.

Верано луэ та колхозын тракторлэн ужамез сярэсь но. Тракторист'ёс Козлов но Тихонов азыло муз'ем кот шуыса колхозын номыр карытэк ульызы, тракторзылэн рулез но уг уже вылэм, сое тупатыны понна но номыр лэстымтэ.

Та сярэсь жеч тодэ вал МТС-лэн директорез Трусов но. Со ачиз ик та тракторез „ойдо мынэ потэ ни колхозэ“ шуыса ыстыз.

**Усов.**

**Азинскем'ёс лядбесь**

«Гражданка» колхозын тулыс ю кизёнын вань умоесь ужась колхозник'ёс. Нылетй бригадаысь Ф. Н. Усков но А. М. Усков смена чоже 1,20 гектар интые 1,50 гектарозь гыро.

Нош ог'я вераса та колхозын тулыс ю кизён уж'ёс туж лядмыно. Малы ке шуоно ваньмыз, колхозник'ёс честно но добросовестно уг ужало на. Тяло трудовой дисциплинаез. Кылсярэсь, куиньметй бригадаысь Т. П. Шляев но Н. П. Стрелков 6 час бере гинэ уже пото.

Колхозлэн председателез Стрелков бусы уж'ёсты умой организовать уг кары.

Колхозын та че тырмымтэос луэмен ик 17 маезь ю кизён уж'ёс 10 процентлы гинэ быдэстэмын. Колхозлэн председателезлы та тырмымтэосыз лядэ бастыса, ю кизёнэз вакчи дыр куспым быдэстоно.

**С. Тронин.**

**Санитарной культура понна**

Колхозник'ёслэн азбар'ёсазы, учреждение котырты, жуг-жаг'ёс но пöртэм чылкыт тэм'ёс вань. Котыкытын кыед люк'ёс, сузымтэ уборнойёс но пож ву кыскан гуос утялтымтэ. Кыед пöлысь, уборнойысь но пож ву кыскан гуысь куазь шуныт луэм'я лядтэм трос кут'ёс потозы. Куд'ёсыз пöртэм висён'ёсты висис муртлэсь висисьтэм муртлы вайыны быгато. Тужгес ик жог желудочно-кишечной висён'ёсты вае (брюшной тиф, дизентерия но пинал'ёслы кот виаж). Та висён'ёсын тросэз висисьёс кулыны но шедэ.

Кут'ёс медам луэ шуыса котькуд колхозник, учреждение, предприятие котырээ чылкыт возёно луэ. Азбар'ёсты чужыса вань кыедэз луд вылэ поттоно, уборнойёсты но пож ву кыскан гуосты чылкыт возёно, 3 нунал куспым 1 полотчы хлорной известь пазяно. Хлорной известь бастыны луэ дунтэм дунын Зураысь аптекаын.

Озы кыедэз, жуг-жагез утялтыса, уборнойёсты но пож ву кыскан гуосты чылкыт возыса гинэ желудочно-кишечной но мукет висён'ёслэсь палэнскыны луоз.

**Ерохин.**

**Суд Бандит, преступник свободалясь лишить каремын**

Та арын 8 мае Зура Сеп тракт кузя гуртаз—Сепе кудзыса бертэ вал А. М. Лекомцев, Сюрес вылысен тае судо Квардавозысь И. И. Меркушев но С. М. Меркушев. Лекомцев таосын нырысь даллашыны кутске, собере зыр кутэ но И. И. Меркушевез шуккыса вие. Лекомцев С. М. Меркушевез но турттэ вал виыны но таиз пергыса вуэ.

Бандитлы, преступниклы А. М. Лекомцевлы 19 мае Зураысь калык судын суд вал. Лекомцев 10 арлы свободалясь лишить карыны присудить каремын но под стражу бастэмын.

Судлэсь приговороз, судэз кылзыны лыктэм калык'ёс приветствовать карызы.

**Сунцов**

Редакторез воштысь **ЗАГРЕБИН.** Поттысь Райсоветлэн Исполкомез.

Зураысь райпотребсоюзлы туж жог кулэ базае заведующой но хлебопекарняе подсобной ужасьёс,  
**РАЙПОТРЕБСОЮЗ.**

Зураысь аптекаын вузасько колхозной аптекаос но индивидуальной пакет'ёс. Аптечкаос умой упаковать карылэмын.  
**Зураысь аптека**